

QVOD LIBETARIIS CONCERTATIONIBVS MANE DISCVTIENDA,

IN SCHOLIS MEDICORVM, DIE IOVIS DECIMA DECEMBRIS,

MAGISTRO CLAYDIO GERVAIS, DOCTORE MEDICO, MODERATORE.

An vlceri exsiccantia?

EX iisdem rebus ars omnis nascitur & interit: optimus artis magister vsus; hoc dexteritatem agendi sibi comparat Chirurgus, cuius officium syntheses atque diarrhesi conclusum, in duobus morborum generibus spectatur, solutione continui, & immoderatione partis externæ. Ad illam pertinent vulnera, fracturæ, luxationes, vlcerata: ad hanc tumores contra naturam, tria summa morborum genera sub vna magnitudine inuoluentes. Totidem tumorum quot humorum differentia, qui à sanguine venæ sectione, qui à bile, pituita aut melancholia, conuenienti cathartico curantur. In ipsis, vt in omni morbo salutari, quatuor reperies tempora; essentia, humoris morbisici pepasmo, symptomatumque magnitudine distinguenda. Inflammationum principio topica conueniunt repellentia: vbi nihil profeceris, tentanda resolutio, seu insensilis, seu manifesta, malignis tumoribus necessaria: tandem suppuratio, recidivæ nescia, ex duplicis caloris duello, sed insiti victoriæ emicans, procuranda: confecto pure, tumor aperiendus, ei que succedaneum vlcus siccantibus & detergentibus persanandum.

VLNUS, continui recens & cruenta solutio in partes molles extrinsecus irruens, diuisarum partium vnionem indicat, quam Chirurgus non assequitur, si quid extraneum in vulnere consistat, si dissidentes eiusdem oras vinculis, suturis, aut fibulis non adducat atque contineat, partis temperiem non seruet, denique si hæmorrhagiæ, conuulsioni, dolori non consulat. Ist hæc nonnumquam adeo vrgent, vt medicum, reliquæ ipsius morbi curatione, in sui depulsionem adigant. Magnum quacunque ratione vulnus periculum minatur. Vulnere corde mors ineuitabilis. Hepatis & cerebri vulnera non semper lethifera. Vulneratis conuulsio ab inanitione funesta. Vulnus longè deterius redditur si ab animali venenato inflictum. Theriaca & mithridatum sunt omnium venenorum prima & communia alexipharmaca. Vulnus, intra triduum nisi coalescit, in vlcus degenerat, quod solo è liquoribus austero vino conuenienter abluetur.

CONTINVI in ossibus diuisio, ab internis profecta causis caries, ab externis & violentis fractura nuncupatur, eorumdem à propria sede dimotio caularum vtriusque generis consecraria luxatio est, cuius species sunt *disparis*, in genu quàm in cubito mitior, *disparis* vertebrae spinæ dorsii familiaris, & *disparis* in radij à cubito separatione conspicua. E fracturis recta mitior transversa, hæc obliqua. Quod proprium ossium capitibus fractura fuerit, deterior. Cum ossis fracturæ carnis quoque vulnus accessit, grauius malum, sed quibus femoris os foras eminet, aut humeri, non euadunt. In omni fracturæ & luxationis curatione quatuor necessaria, læsæ partis extensio manu, laqueis, machinis, extensæ conformatio naturalem parti figuram situmque restituens, conformatæ deligatio, fasciis, plagulis, ferulis, stricta non dolorifica, & deligatæ repositio in figura rectissima, cuiusmodi brachio est angulosa. In pueris ossa fracta perse coalescunt, in cæteris callo veluti glutine circa ipsorum labra concrecente coherent, atque citius aut tardius, vt molliora sunt vel duriora, ferruminantur.

IN reliquis præter ossa partibus vnionis ab erosione diuortia dicuntur vlcerata, quorum alia benigna, alia maligna Chironiæ manus indiga, cuiusmodi sunt circumglabra, hydropicorum, elephantiorum & veneris impura, animalisue venenati morfu inflicta: sed præcipuum *venenatis* gradum occupant Phagedæna, tumidum & profundum vlcus vicinas partes, sine tamen putredine, corrodens, vulneribus acrium medicamentorum vsu exasperatis, & herpetibus quorum materia vitione crassescit, succedens: Nomen cum putredine sed sine tumore serpendo depascens, in nomas aphtæ non raro transeunt; denique Cancer, aspectu horridum adeoque proteruum vt mitiora præsidia contemnat, vehementibus efferetur, plane *diuortia*. Quæ in morbis vel ante morbos oborta sunt vlcerata si derepentè hucscant, resciccentur, pallescant, mors est in propinquo. Tumores in vlceribus molles, boni. Vlcus quod pus effundit album, læue, æquale & minimùm foetens, felicitis est præsagij.

CVRANDORVM vlcerum primus scopus est vnio, desiccatione procuranda, vlcus siquidem quantumuis *diuortia* duo profert excrementa, ichorem, quo humescit, *pus* quo sordescit. Ac nisi ichor exsiccantibus absorbeat, putredine virulentus euadet, vt coctione purulentus: sordes ni detergentibus eluatur, tenaciùs vlceri adhærescet, atque id *pus* efficit. Expurgatū sed cauum vlcus, sarcoticis gignendæ carnis impedimenta submouentibus, & idoneam naturæ generanti materiam comparantibus implebitur, plenum denique per epulotica claudetur, & callo cutiformi tegetur. *Puritas*, *Grauitas*, *Epulotica* siccandi vi pollent omnia, atque ex vlcerum varietate, partisque vel totius corporis diuersa temperie æstimanda. Vlceris compositi curatio ab affectibus ei adiunctis ineunda, qui cum ex subiectæ carnis intemperie, & affluentis sanguinis vitio ortum ducant, his causis & indenatis tum morbis, tum grauius symptomatis, omni præsidiorum vacuum, auertentium, interceptantium, alterantium & corroborantium genere imprimis occurrendum, deinde ad vlceris persiccantia curationem accedendum, inter quæ succus agrimonie, farina hordei, thus, mel rosaceum & mundificatiuum de apio moderatas vires obtinent. Terebinthina, succus & syrupus absinthij, farina orobi, radix aristolochiæ, myrrha, valentiores. At centaureum minus, vnguentum apostolorum, ægyptiacum non modò siccant, sed etiam carnem corruptam exedunt, idè quæ putridis vlceribus accommo datissima.

Ergo vlceri exsiccantia.

Propugnabat MICHAEL SEGVYN Parisinus, anno R. H. 1615.
DOMINI DOCTORES DISPVTVRI.

M. Philibertus Guybert.
M. Ioannes Pietre.
M. Ioannes Cousin M. R.

M. Hieronymus Goulu, Prof. Reg.
M. Symphorianus Hautin.
M. Henricus Blacnod M. R.

M. Ioannes Beauchefre.
M. Henricus Blacnod.
M. Nicolaus Ellain.

